




মুজিব
মতবাটি 100

শেখ মুজিব আমার পিতা

শেখ হাসিনা



জাতির পিতাকে জানতে জেলা প্রশাসন
চাঁপাইনবাবগঞ্জের বিশেষ প্রচারণা

প্রচারে



জেলা প্রশাসন
চাঁপাইনবাবগঞ্জ



- +880 ৭৮১-৫২৩০০
- dcchapainawabganj@mopa.gov.bd
- জেলা প্রশাসন, চাঁপাইনবাবগঞ্জ
- www.chapainawabganj.gov.bd

বাইগার নদী ঘেঁষে ছবির মতো সাজানো সুন্দর একটি গ্রাম। সে গ্রামটির নাম টুঙ্গিপাড়া। বাইগার নদী এঁকেবেঁকে গিয়ে মিশেছে মধুমতী নদীতে। এই মধুমতী নদীর অসংখ্য শাখার একটি বাইগার নদী। নদীর দু'পাশে তাল, তমাল, হিজল গাছের সবুজ সমারোহ। ভাটিয়ালি গানের সুর ভেসে আসে হালধরা মাঝির কঠ থেকে। পাখির গান আর নদীর কলকল ধ্বনি এক অপূর্ব মনোরম পরিবেশ গড়ে তোলে। প্রায় দু'শ বছর পূর্বে মধুমতী নদী এই গ্রাম ঘেঁষে বয়ে যেত। এই নদীর তীর ঘেঁষেই গড়ে উঠেছিল জনবসতি। প্রকৃতির অমোঘ নিয়মে ধীরে ধীরে নদীটি দূরে সরে যায়। চর জেগে গড়ে ওঠে আরো অনেক গ্রাম। সেই দু'শ বছর আগে ইসলাম ধর্ম প্রচারের দায়িত্ব নিয়েই আমাদের পূর্বপুরুষেরা এসে এই নদীবিধৌত প্রাকৃতিক সৌন্দর্য ও সুষমামণ্ডিত ছোট গ্রামটিতে তাদের বসতি গড়ে তোলেন। এবং তাদের ব্যবসা বাণিজ্য ছিল কলকাতা বন্দরকে কেন্দ্র করে।

অনাবাদি জমিজমা চাষবাস শুরু করেন এবং গ্রামে বসবাসকারী কৃষকদের নিয়ে একটা আত্মনির্ভরশীল গ্রাম হিসেবেই এই গ্রামটিকে বেশ বর্ধিষ্ঠও গ্রামরূপে গড়ে তোলেন। যাতায়াত ব্যবস্থায় প্রথমে শুধু নৌকাই ছিল একমাত্র ভরসা। পরে গোপালগঞ্জ থানা স্টিমার ঘাট হিসেবে গড়ে ওঠে। আমাদের পূর্বপুরুষেরা টুঙ্গিপাড়া গ্রামে জমিজমা কৃয় করে বসতির জন্য কলকাতা থেকে কারিগর ও মিস্ত্রি এনে দালানবাড়ি তৈরি করেন, যা সমাপ্ত হয় ১৮৫৪ সালে। এখনো কালের সাক্ষী হয়ে দাঁড়িয়ে আছে সেই দালানের ধ্বংসাবশেষ। ১৯৭১ সালে যে দুটো দালানে বসতি ছিল, পাকিস্তানি হানাদার বাহিনী আগুন দিয়ে সে দুটোই জ্বালিয়ে দেয়। এই দালানকোঠায় বসবাস শুরু হবার পর ধীরে ধীরে বংশবৃদ্ধি হতে থাকে আর আশপাশে বসতির সংখ্যাও বৃদ্ধি পায়। এই দালানেরই উত্তর-পূর্ব কোণে টিনের চৌচালা ঘর তোলেন আমার দাদার বাবা শেখ আব্দুল হামিদ। আমার দাদা শেখ লুৎফর রহমান এই

বাড়িতেই সংসার গড়ে তোলেন। আর এখানেই জন্ম
নেন আমার আক্বা, ১৯২০ সালের ১৭ মার্চ। আমার
আক্বার নানা শেখ আবদুল মজিদ আমার আক্বার
আকিকার সময় নাম রাখেন শেখ মুজিবুর রহমান।
আমার দাদির দুই কন্যা সন্তানের পর প্রথম পুত্র
সন্তান, আমার আক্বা। আর তাই আমার দাদির বাবা
তাঁর সমস্ত সম্পত্তি দাদিকে দান করেন এবং নাম
রাখার সময় বলে যান, ‘মা সায়রা, তোর ছেলের নাম
এমন রাখলাম, যে নাম জগৎজোড়া খ্যাত হবে’।

আমার আক্বার শৈশব কেটেছিল টুঙ্গিপাড়ার নদীর
পানিতে ঝাঁপ দিয়ে, মেঠোপথের ধুলোবালি মেখে,
বর্ষার কাদাপানিতে ভিজে। বাবুই পাখি বাসা কেমন
করে গড়ে তোলে, মাছরাঙা কিভাবে ডুব দিয়ে মাছ
ধরে, কোথায় দোয়েল পাখির বাসা-এসব দেখে।
দোয়েল পাখির সুমধুর সুর আমার আক্বাকে
দারণভাবে আকৃষ্ট করত। আর তাই গ্রামের ছোট
ছোট ছেলেদের সঙ্গে করে মাঠেঘাটে ঘুরে প্রকৃতির
সাথে মিশে বেড়াতে তাঁর ভালো লাগত। ছোট
শালিক পাখির ছানা, ময়না পাখির ছানা ধরে তাদের
কথা বলা ও শিস দেওয়া শেখাতেন। বানর ও কুকুর
পুষ্টেন, তারা তাঁর কথামতে যা বলতেন তাই
করত। আবার এগুলো দেখাশোনার ভার দিতেন
ছোট বোন হেলেনের উপর। এ পোষা পাখি,
জীবজন্তুর প্রতি এতটুকু অবহেলা তিনি সহিতে
পারতেন না। মাঝে মাঝে এজন্য ছোট বোনকে
বকাও খেতে হত। আমাদের বাড়ির দক্ষিণ-পশ্চিম
দিক ঘেঁষে একটা সরু খাল চলে গেছে, যে খাল
মধুমতী ও বাইগার নদীর সংযোগ রক্ষা করে। এই
খালের পাড়েই ছিল বড় কাছারি ঘর। আর এই
কাছারি ঘরের পাশে মাস্টার, পতিত ও মৌলভী
সাহেবদের থাকার ঘর ছিল। এঁরা গৃহশিক্ষক হিসেবে
নিয়োগপ্রাপ্ত ছিলেন এবং তাঁদের কাছে আমার আক্বা
আরবি, বাংলা, ইংরেজি ও অঙ্ক শিখতেন।

আমাদের পূর্বপুরুষদেরই গড়ে তোলা গিমাডাঙা
টুঙ্গিপাড়া স্কুল। তখন ছিল প্রাথমিক বিদ্যালয়। বাড়ি

থেকে থ্রায় সোয়া কিলোমিটার দূর। আমার আব্বা
এই স্কুলেই প্রথম লেখাপড়া করেন। একবার
বর্ষাকালে নৌকা করে স্কুল থেকে ফেরার সময়
নৌকাড়ুবি হয়ে যায়। আমার আব্বা খালের পানিতে
পড়ে যান। এরপর আমার দাদি তাঁকে আর ঐ স্কুলে
যেতে দেননি। একরত্নি ছেলে, চোখের মণি, গোটা
বংশের আদরের দুলাল, তাঁর এতটুকু কষ্ট যেন
সকলেরই কষ্ট! সেই স্কুল থেকে নিয়ে গোপালগঞ্জ
মিশনারি স্কুলে ভর্তি করে দেন। গোপালগঞ্জ আমার
দাদার কর্মস্থল ছিল। সেই থেকে গোপালগঞ্জেই তিনি
পড়ালেখা করতে শুরু করেন। মাঝখানে একবার
দাদা মাদারীপুর বদলি হন। তখন কিছুদিনের জন্য
মাদারীপুরেও আব্বা লেখাপড়া করেন। পরে
গোপালগঞ্জেই তাঁর কৈশোরবেলা কাটে।

আমার আব্বার শরীর ছিল বেশ রোগা। তাই আমার
দাদি সব সময়ই ব্যস্ত থাকতেন কিভাবে তাঁর খোকার
শরীর ভাল করা যায়। আদর করে দাদা-দাদিও
খোকা বলেই ডাকতেন। আর ভাইবোন গ্রামবাসীর
কাছে ছিলেন ‘মিয়াভাই’ বলে পরিচিত। গ্রামের
সহজসরল মানুষদের সঙ্গে অত্যন্ত সহজভাবে
মিশতেন। আমার দাদি সবসময় ব্যস্ত থাকতেন
খোকার শরীর সুস্থ করে তুলতে। তাই দুধ, ছানা,
মাখন ঘরেই তৈরি হত। বাগানের ফল, নদীর তাজা
মাছ সব সময় খোকার জন্যে বিশেষভাবে প্রস্তুত
থাকত। কিন্তু আমার আব্বা ছোটবেলা থেকেই
ছিপছিপে পাতলা ছিলেন, তাই দাদির আফসোসেরও
সীমা ছিল না যে, কেন তাঁর খোকা একটু হষ্টপুষ্ট
নাদুসন্দুস হয় না! খাবার বেলায় খুব সাধারণ ভাত,
মাছের ঝোল, সবজিই তিনি পছন্দ করতেন। খাবার
শেষে দুধ-ভাত-কলা ও গুড় খুব পছন্দ করতেন।
আমার চার ফুফু এক চাচা ছিলেন। এই চার বোনের
মধ্যে দুই বোন বড় ছিলেন। ছোট ভাইটির যাতে
কোন কষ্ট না হয়, এজন্য সদাসর্বদা ব্যস্ত থাকতেন
বড় দুই বোন। বাকিরা ছোট, কিন্তু দাদা-দাদির কাছে
খোকার আদর ছিল সীমাহীন। আমাদের বাড়িতে
আশ্রিতের সংখ্যাও ছিল প্রচুর। আমার দাদার বা-

দাদির বোনদের ছেলেমেয়ে, বিশেষ করে যারা পিতৃহারা-মাতৃহারা তাদেরকে দাদা-দাদির নিজেদের কাছে এনেই মানুষ করতেন। আর তাই প্রায় সতের-আঠারজন ছেলেমেয়ে একই সঙ্গে বড় হয়ে ওঠে।

আবীর যখন দশ বছর বয়স, তখন তাঁর বিয়ে হয়। আমার মায়ের বয়স ছিল মাত্র তিন বছর। আমার মা পিতৃহারা হবার পর তাঁর দাদা এই বিয়ে দিয়ে সমস্ত সম্পত্তি মা ও খালার নামে লিখে দেন। আমার খালা মায়ের থেকে তিন-চার বছরের বড়। আত্মীয়ের মধ্যেই দুই বোনকে বিয়ে দেন এবং আমার দাদাকে (গার্ডিয়ান) মুরুরবি করে দেন। আমার মার যখন ছয়-সাত বছর বয়স, তখন তাঁর মা মারা যান। এবং তখন আমার দাদি কোলে তুলে নেন আমার মাকে। আর সেই থেকে একই সঙ্গে সব ছেলেমেয়ের সঙ্গে তিনি বড় হতে থাকেন।

আমার আবীর লেখাপড়ার পাশাপাশি খেলাধুলার প্রতি দারুণ বোঁক ছিল। বিশেষ করে ফুটবল খেলতে খুব পছন্দ করতেন। মধুমতী নদী পার হয়ে চিতলমারী ও মোল্লারহাট যেতেন খেলতে। গোপালগঞ্জে স্কুলের টিম ছিল। এদিকে আমার দাদাও খেলতে পছন্দ করতেন। আবীর যখন খেলতেন, তখন দাদাও মাঝে মাঝে খেলা দেখতে যেতেন। দাদা আমাদের কাছে গল্প করতেন যে, ‘তোমার আবীর এত রোগা ছিল যে, বলে জোরে লাঠি মেরে মাঠে গড়িয়ে পড়ত’। আবীর যদি ধারেকাছে থাকতেন, তবে সঙ্গে সঙ্গে প্রতিবাদ করতেন। আমরা তখন সত্যিই খুব মজা পেতাম। এর পেছনে মজার ঘটনা হল, মাঝে মাঝে আবীর টিম ও দাদার টিমের মধ্যেও খেলা হত। এখনো আমি যখন ঐ সমস্ত এলাকায় যাই, অনেক বয়স্ক লোকের সঙ্গে পরিচয় হয়- যারা আবীর ছোটবেলার কথা বলেন। আমাদের বাড়িতে এই খেলার অনেক ফটো ও কাগজ ছিল। ১৯৭১ সালে পাকিস্তানি হানাদার বাহিনী আমাদের বাড়ি পুড়িয়ে দেয়। ফলে

সব শেষ হয়ে যায় ।

তিনি ছোটবেলা থেকে অত্যন্ত হৃদয়বান ছিলেন । তখনকার দিনে ছেলেদের পড়াশোনার তেমন সুযোগ ছিল না । অনেকে বিভিন্ন বাড়িতে জায়গির থেকে পড়াশোনা করত । চার-পাঁচ মাইল পথ হেঁটে স্কুলে আসতে হত । সকালে ভাত খেয়ে স্কুলে আসত । আর সারাদিন অভুক্ত অবস্থায় অনেকদূর হেঁটে তাদের ফিরতে হত । যেহেতু আমাদের বাড়িটা ছিল ব্যাংক পাড়ায়, আরো তাদেরকে বাড়িতে নিয়ে আসতেন । স্কুল থেকে ফিরে দুধভাত খাবার অভ্যাস ছিল এবং সকলকে নিয়েই তিনি খাবার খেতেন । দাদির কাছে শুনেছি, আরো জন্য মাসে কয়েকটা ছাতা কিনতে হত । কারণ আর কিছুই নয়- কোনো ছেলে গরিব, ছাতা কিনতে পারে না, দূরের পথ রোদ বা বৃষ্টিতে কষ্ট হবে দেখে তাকে ছাতা দিয়ে দিতেন । এমনকি পড়ার বইও মাঝে মাঝে দিয়ে দিতেন ।

দাদির কাছে গল্প শুনেছি, যখন বৃষ্টির সময় হত, তখন দাদি আমগাছের নিচে এসে দাঁড়াতেন । খোকা আসবে, দূর থেকে রাস্তার উপর নজর রাখতেন । একদিন দেখেন তাঁর খোকা গায়ে চাদর জড়িয়ে হেঁটে আসছে, পরনে পাজামা-পাঞ্জাবি নেই । কী ব্যাপার? এক গরিব ছেলেকে তার শতছিল কাপড় দেখে সব দিয়ে এসেছেন ।

আমার দাদা-দাদি অত্যন্ত উদার প্রকৃতির ছিলেন । আমার আরো যখন কাউকে কিছু দান করতেন, তখন কোনোদিনই তাঁকে বকাবাকা করতেন না, বরং উৎসাহ দিতেন । আমার দাদা ও দাদির এই উদারতার আরো অনেক নজির রয়েছে ।

স্কুলে পড়তে পড়তে আরো বেরিবেরি রোগ হয় এবং চোখ খারাপ হয়ে যায় । ফলে চার বছর লেখাপড়া বন্ধ থাকে । তিনি সুস্থ হবার পর পুনরায় স্কুলে ভর্তি হন । এই সময় আরো একজন গৃহশিক্ষক ছিলেন তাঁর নাম হামিদ মাস্টার । তিনি

ছিলেন বৃটিশবিরোধী আন্দোলনে সক্রিয় এবং বহু বছর জেল খাটেন। পরবর্তী পর্যায়ে আবৰা বিভিন্ন সময় যখন জেলে থাকতেন অথবা পুলিশ গ্রেফতার করতে আসত, আমার দাদি মাঝে মাঝেই সেই মাস্টার সাহেবের নাম নিতেন আর কাঁদতেন। এমনিতে আমার দাদা-দাদি অত্যন্ত উদার মনের মানুষ ছিলেন। ছেলের কোনো কাজে কখনো তাঁরা বাধা দিতেন না, বরং উৎসাহ দিতেন। অত্যন্ত মুক্ত পরিবেশে আমার বাবার মনের বিকাশ ঘটেছে। প্রতিটি কাজ যখনই যেটা ন্যায়সঙ্গত মনে হয়েছে, আমার দাদা তা করতে নিষেধ না করে বরং উৎসাহ দিয়েছেন।

আবৰা একজন স্কুল মাস্টার ছেট্ট একটা সংগঠন গড়ে তুলে বাড়ি বাড়ি ঘুরে ধান, টাকা, চাল জোগাড় করে গরিব মেধাবী ছেলেদের সাহায্য করতেন। অন্যতম সক্রিয় কর্মী হিসেবে আবৰা তাঁর সঙ্গে কাজ করতেন এবং অন্যদের উৎসাহ দিতেন। যেখানেই কোনো অন্যায় দেখতেন, সেখানেই তিনি প্রতিবাদ করতেন। একবার একটি অন্যায়ের প্রতিবাদ করতে গিয়ে তিনি প্রথম সরকার সমর্থকদের দ্বারা ষড়যন্ত্রের শিকার হন ও গ্রেফতার হয়ে কয়েকদিন জেলে থাকেন। কৈশোরেই তিনি খুব বেশি অধিকার সচেতন ছিলেন। একবার যুক্ত বাংলার মুখ্যমন্ত্রী শেরেবাংলা গোপালগঞ্জে সফরে যান এবং স্কুল পরিদর্শন করেন। সেই সময় সাহসী কিশোর মুজিব তাঁর কাছে স্কুলঘরে বর্ষার পানি পড়ার অভিযোগ তুলে ধরেন এবং মেরামত করাবার অঙ্গীকার আদায় করে সবার দৃষ্টি আকর্ষণ করেন।

গোপালগঞ্জ থেকে ম্যাট্রিক পাস করে তিনি কলকাতা ইসলামিয়া কলেজে পড়তে যান। তখন বেকার হোস্টেলে থাকতেন। এই সময় তিনি হোসেন শহীদ সোহরাওয়ার্দীর সংস্পর্শে আসেন। হলওয়েল মনুমেন্ট আন্দোলনে জড়িয়ে পড়েন সক্রিয়ভাবে। এই সময় তাঁর রাজনীতিতে সক্রিয় অংশগ্রহণ শুরু হয়। ১৯৪৭ সালে তিনি বি.এ. পাশ করেন।

পাকিস্তান-ভারত ভাগ হবার সময়ে দাঙা হয়, তখন দাঙা দমনে সক্রিয় ভূমিকা রাখেন। কাজ করে যেতেন নিজের জীবনের ঝুঁকি নিয়ে। আমার মেজো ফুফু তখন কলকাতায় থাকতেন। ফুফুর কাছে শুনেছি, মাঝে মাঝে অভুক্ত অবস্থায় হয়তো দুদিন বা তিন দিন কাজ করে গেছেন। মাঝেমাঝে যখন ফুফুর খোঁজখবর নিতে যেতেন তখন ফুফু জোর করে কিছু খাবার খাইয়ে দিতেন। ন্যায় ও সত্য প্রতিষ্ঠার জন্য জীবনের ঝুঁকি নিতে তিনি কখনো পিছ-পা হননি।

পাকিস্তান হবার পর তিনি ঢাকা বিশ্ববিদ্যালয়ে আইন বিভাগে ভর্তি হন। তখন তৃতীয় ও চতুর্থ শ্রেণির কর্মচারীদের আন্দোলনে সমর্থন দেন ও সক্রিয় অংশগ্রহণ করেন। সচিবালয়ের সামনে অবস্থান ধর্মঘট করতে গিয়ে গ্রেফতার হন। অল্প কয়েকদিন পর মুক্তি পান। এই সময় পাকিস্তানের প্রতিটি বাঙালি প্রতিবাদী হয়ে ওঠে। ছাত্র সমাজ এই আন্দোলনে সক্রিয় অংশগ্রহণ করে। তিনি আন্দোলনে ১৯৪৯ সালে আমার আক্বা গ্রেফতার হন। আমি তখন খুবই ছোট্ট, আর আমার ছোট্ট ভাই কামাল কেবল জন্মগ্রহণ করেছে। আক্বা ওকে দেখারও সুযোগ পাননি।

একটানা ১৯৫২ সাল পর্যন্ত তিনি বন্দি ছিলেন। সেই সময়ে আমাদের দুই ভাইবোনকে নিয়ে আমার মাদাদ-দাদির কাছেই থাকতেন। একবার একটা মামলা উপলক্ষে আক্বাকে গোপালগঞ্জ নিয়ে যাওয়া হয়। কামাল তখন অল্প অল্প কথা বলা শিখেছে। কিন্তু আক্বাকে ও কখনো দেখেনি, চেনেও না। আমি যখন বারবার আক্বার কাছে ছুটে যাচ্ছি, ‘আক্বা আক্বা’ বলে ডাকছি, ও শুধু অবাক হয়ে তাকিয়ে দেখছে। গোপালগঞ্জ থানায় একটি বড় পুকুর আছে, যার পাশে বড় খেলার মাঠ। ঐ মাঠে আমরা দুই ভাইবোন খেলা করতাম ও ফড়িং ধরার জন্য ছুটে বেড়াতাম। আর মাঝেমাঝেই আক্বার কাছে ছুটে আসতাম। অনেক ফুলপাতা কুড়িয়ে এনে থানার বারান্দায় কামালকে নিয়ে খেলতে বসেছি। ও হঠাৎ আমাকে

জিজ্ঞেস করল, ‘হাসু আপা, তোমার আবাকে আমি একটু আবাক বলি? কামালের সেই কথা আজ যখন মনে পড়ে, আমি তখন চোখের পানি রাখতে পারি না! আজ ও নেই, আমাদের আবাক বলে ডাকারও কেউ নেই। ঘাতকের বুলেট শুধু আবাকেই ছিনয়ে নেয়নি; আমার মা, কামাল, জামাল, ছোট রাসেলও রেহাই পায়নি। রেহাই পায়নি কামাল-জামালের নবপরিণীতা বধূ সুলতানা ও রোজী, যাদের হাতের মেহেদীর রং বুকের রঙে মিশে একাকার হয়ে গেছে। খুনিরা এখানেই শেষ করেনি, আমার একমাত্র চাচা শেখ নাসের, তরঢ় নেতা আমার ফুপাত ভাই শেখ মণি, আমার ছোটবেলার খেলার সাথী শেখ মণির অন্তঃসন্ত্ব স্ত্রী আরজুকে খুন করেছে। এই খুনিরা একই সাথে আক্রমণ করেছে আবদুর রব সেরনিয়াবত (আমার ফুফা), তাঁর তের বছরের কন্যা বেবী, দশ বছরের ছেলে আরিফকে; তাঁর জ্যেষ্ঠপুত্র আবুল হাসানাত আবদুল্লাহর চার বছরের শিশুপুত্র বাবুও খুনিদের হাত থেকে রেহাই পায়নি। কর্ণেল জামিল, যিনি আমার পিতার জীবন রক্ষার জন্য ঘুম থেকে উঠে ছুটে এসেছিলেন, তাঁকেও তারা হত্যা করে। এ কেমন বর্বর নিষ্ঠুরতা? আজও গুলির আঘাতে পঙ্কু হয়ে আছেন আমার মেজো ফুফু।

সেদিন কামাল আবাকে আবাক ডাকার অনুমতি চেয়েছিল, আমি সঙ্গে সঙ্গে ওকে আবাকার কাছে নিয়ে যাই। আবাকে ওর কথা বলি। আবাক ওকে কোলে তুলে নিয়ে অনেক আদর করেন। আজ আর তাঁরা কেউ বেঁচে নেই। আজ বারবার আমার মন আবাকে ডাকার জন্য ব্যাকুল হয়ে ওঠে। মায়ের স্নেহ, ভাইদের সান্নিধ্য পাবার জন্য উন্মুখ হয়ে থাকি। কিন্তু শত চিত্কার করলেও তো কাউকে আমি পাব না। কেউ তো আর সাড়া দিতে পারবে না। তাঁদের জীবন নৃশংসভাবে বুলেট দিয়ে চিরদিনের মতো যে ঘাতকেরা স্তৰ্দ্র করে দিল, তাদের কি বিচার হবে না?

(সূত্র: প্রবন্ধটি শেখ মুজিব আমার পিতা থেকে সংগৃহিত;
আগামী প্রকাশনী থেকে প্রকাশিত। রচনাকাল: ১৩ আগস্ট ১৯৯১)